

# USIM anjur debat bahasa Arab

UNIVERSITI Sains Islam Malaysia (USIM) buat julung kalinya mengadakan pertandingan Debat Bahasa Arab antara Sekolah Menengah Peringkat Kebangsaan pada 20 hingga 24 Jun ini di kampus induk USIM, Bandar Baru Nilai, Negeri Sembilan.

Pertandingan anjuran USIM dengan kerjasama Jabatan Pendidikan Islam dan Moral (Japim), Kementerian Pelajaran

Malaysia adalah untuk menyemarakkan penguasaan bahasa Arab di kalangan pelajar sekolah sebagai persediaan ke peringkat yang lebih tinggi.

Di samping itu, ia merupakan medan terbaik untuk melatih dan mengasah bakat kepimpinan dan keupayaan berfikir secara kritis dan analitis di kalangan pelajar sekolah tentang isu-isu semasa.

Pertandingan debat ini akan disertai

oleh para pelajar sekolah menengah dari Sekolah Menengah Kebangsaan Agama, Sekolah Agama Bantuan Kerajaan, Sekolah Berasrama Penuh dan Kelas Aliran Agama.

Setiap sekolah layak menghantar satu pasukan untuk menyertainya. Hanya 60 pasukan pertama mendaftar yang layak bertanding.

Johan akan menerima wang tunai RM2,500, Piala Pusingan Naib Canselor USIM, piala iringan dan sijil.

Naib Johan akan menerima wang tunai RM2,000, piala iringan dan sijil.